

MISSÆ PROPRIÆ
PATRONORUM,
ET
FESTORUM

REGNI POLONIÆ.
AD NORMAM MISSALIS ROMANI
ACCOMMODATÆ.

FESTA DECEMBRIS.

Die iv. Decembris.

IN FESTO

S. Barbaræ Virginis & Martyris.

Introitus. Psal. 18.



Oquebar de testimoniis
tuis in conspectu regum,
& non confundabar: &
meditabar in mandatis
tuis, quæ dilexi nimis.

Psal. ibid. Beati immaculati in via:
qui ambulant in lege Domini.

v. Gloria Patri. Oratio.

DEUS, qui inter cætera potentiæ
tuæ miracula, etiam in sexu frã-
gili victoriam martyrii contulisti: con-
cede propitius; ut, qui beatæ Bárba-
ræ virginis & martyris tuæ natalitia
columus, per ejus ad te exempla gradiã-
mur. Per Dominum nostrum JESUM
Christum Filium tuum: Qui tecum
vivit & regnat in unitate Spiritus san-
cti DEUS.

Lectio libri Sapientiæ. Eccl. 51.

Confitebor tibi Domine Rex, &
collaudabo te DEUM Salvatorem
meum. Confitebor nomini tuo: quon-
iam adjutor & protector factus es mi-
hi, & liberaſti corpus meum à perdi-
tione, à laqueo linguæ iniquæ, & à lá-
biis operantium mendacium, & in
conspectu astantium factus es mihi ad-
jutor. Et liberaſti me secundum mul-
titudinem misericordiæ nominis tui à

rugientibus, præparatis ad escam, de
manibus quærentium animam meam,
& de portis tribulationum, quæ cir-
cumdederunt me: à pressura flam-
mæ, quæ circumdedit me, & in medio
ignis non sum aestuata: de altitudine
ventris inferi, & à lingua coinquinata,
& à verbo mendacii, à rege iniquo, &
à lingua injusta. Laudabit usque ad
mortem anima mea Dominum, quon-
iam eruis sustinentes te, & liberas eos
de manibus gentium, Domine DEUS
noster.

Graduale. Psalm. 44. Dilexisti ju-
stitiam, & odisti iniquitatem. **v.** Pro-
pterea unxit te DEUS, DEUS tuus, oleo
lætitiæ. **Allelúja, allelúja.**

v. ibid. Adducuntur Regi virgines post
eam, proximæ ejus afferuntur tibi in
lætitia. **Allelúja.**

**Sequentia sancti Evangelii secundum
Matthæum. Matth. 25.**

In illo tempore: Dixit JESUS discipu-
lis suis parabolam hanc: Simile
erit regnum cælorum decem virgini-
bus: quæ accipientes lampades suas,
exierunt obviam sponso, & sponsæ.
Quinque autem ex eis erant fatuæ, &
quinque prudentes: sed quinque fá-
tuæ acceptis lampadibus, non sum-
pserunt oleum secum: prudentes ve-
rò acceperunt oleum in vasis suis cum
lampadibus. Moram autem faciente
sponso, dormitaverunt omnes, & dor-
mierunt. Média autem nocte clamor

factus est: Ecce ſponſus venit, exite obviam ei. Tunc ſurrexerunt omnes virgines illæ, & ornavérunt lámpades ſuas. Fátuæ autem ſapiéntibus dixerunt: Date nobis de óleo veſtro: quia lámpades noſtræ extingúuntur. Reſpónderunt prudéntes, dicéntes: Ne fortè non ſufficiat nobis, & vobis, ite pótiùs ad vendéntes, & émite vobis. Dum autem irent émere, venit ſponſus: & quæ parátæ erant, intravérunt cum eo ad núprias, & clauſa eſt jánuæ. Novíſſimè verò véniunt, & réliquæ virgines, dicéntes: Dómine, Dómine, áperi nobis. At ille reſpóndens, ait: Amen dico vobis, néſcio vos. Vigilate itaque, quia néſcitis diem, neque horam.

Offertorium. Pſal. 44. Afferéntur Regi virgines poſt eam: próximæ ejus afferéntur tibi in lætítia & exultatione: adducéntur in templum Regi Dómino.

Secreta.

Suſcipe Dómine múnera, quæ in beatæ Bárbaræ virginis & mártiris tuæ ſolemnitate deférimus, cujus nos confidimus patrocínio liberári. Per Dóminum noſtrum JESUM Chriſtum Fílium tuum: Qui tecum vivit & regnat in unitate Spíritûs ſancti DEUS.

Communio. Pſal. 118. Confundántur ſupérbi, quia injúſtè iniquitatem fecérunt in me: ego autem in mandátis tuis exercébor, in tuis juſtificationibus, ut non confundar.

Postcommunio.

Auxiliéntur nobis, Dómine, ſumpta myſtéria: & intercedente beáta Bárbara virgine & mártire tua, ſempitérna fáciant protectióne gaudére. Per Dóminum noſtrum JESUM Chriſtum Fílium tuum: Qui tecum vivit & regnat in unitate Spíritûs ſancti DEUS.

F E S T A F E B R U A R I I.

Die i. Februarii.

I N F E S T O

S. Brigidæ Virginis.

Introitus.

Pſalm. 44.



Dilexíſti juſtítiam, & odíſti iniquitatem: propterea unxit te DEUS, DEUS tuus óleo lætítiae præ conſórtibus tuis.

Pſalm. ibid. Eructávit cor meum verbum bonum: dico ego ópera mea Regi.

Glória Patri.

Oratio.

OMnípotens ſempitérne DEUS, qui es ſanctórum glória virtútum, cleméntiam tuam ſúpplices exorámus: ut per mérita beatæ virginis tuæ Brigidæ, opportúnum tuæ pietátis auxílium ſentiámus. Per Dóminum.

Lectio Epíſtolæ beáti Pauli Apóstoli ad Corínthios. **2. Cor. 10. d**

FRatres, Qui gloriátur, in Dómino gloriétur. Non enim qui ſeípſum comméndat, ille probátus eſt: ſed quem DEUS comméndat. Utinam ſuſtinerétis módicum quid inſipientiæ meæ, ſed & ſupportáte me. Æmulor enim vos DEI æmulatióne. Deſpóndi enim vos uni viro virginem caſtam exhibére Chriſto.

Graduale. Pſal. 44. Spécie tua, & pulchritúdine tua, inténde, próſperè procéde, & regna. **Ps.** Propter veritatem, & manſuetúdinem, & juſtítiam: & dedúcet te mirábiliter dextera tua. **Allelúja, allelúja.**

Ps. Hæc eſt virgo ſápiens, & una de número prudéntem. **Allelúja.**

Post Septuagesimam omiſſo Allelúja, & Verſu ſequenti dicitur Tractus. ibid. Audi filia, & vide, & inclína aurem tuam: quia concupívit Rex ſpécie tuam. **Ps.** Vultum tuum deprecabúntur omnes dívites plebis: filiæ

regum in honore tuo. *ψ.* Adducéntur Regi vírgines post eam: próximæ ejus afferéntur tibi. *ψ.* Afferéntur in lætítia & exultatióne: adducéntur in templum Regis.

Evangelium. Simile erit regnum coelórum decem virgínibus. *ut in Comuni Virginum & Martyrum. fol. xxv.*

Offertorium. *ibid.* Fíliæ regum in honore tuo, ástitit regína à dextris tuis in vestítu deauráto, circúmdata varietáte.

Secreta.

MUnera tibi Dómine dicáta sanctífica: & intercedente beáta Brígida vírgine tua, per eádem nos placátus inténde. Per Dóminum nostrum Jesum Christum Fílium tuum: Qui tecum vivit & regnat in unitáte Spíritus sancti DEUS.

Communio. *Matth. 25.* Quinque prudentes vírgines accepérunt óleum in vasis suis cum lampádibus: média autem nocte clamor factus est, ecce sponsus venit, exíte óbviám Christo Dómino.

Postcommunio.

Satiásti, Dómine, famíliam tuam munéribus sacris: ejus quæsumus semper interventióne nos réfove, cujus solémnia celebrámus. Per Dóminum nostrum Jesum Christum Fílium tuum: Qui tecum vivit & regnat in unitáte Spíritus sancti DEUS.

Die vi. Februarii.

SANCTÆ DOROTHEÆ VIRG & Mart. *Missa.* Me expectavérunt peccatóres. *in Comuni Virginis & Martyris. fol. xxvi.*

Die vii. Februarii.

S. ROMUALDI ABBATIS. *Missa.* Os justí meditábitur. *de Comuni Abbatum. fol. xxiv.*

Pol.

FESTA MARTII.

Die iv. Martii.

IN FESTO

S. Casimiri Confessoris.

Introitus. *Psal. 36.*



Os justí meditábitur sapiéntiam, & lingua ejus loquétur judícium: lex DEI ejus in corde ipsíus. *Psal. ibid.* Noli æmulári in malignantibus: neque zeláveris faciéntes iniquitátem.

ψ. Glória Patri.

Oratio.

DEUS, qui inter regáles delicias & mundi illécebras, sanctum Casimírum virtúte constántiæ roborásti: quæsumus, ut ejus intercessióne fideles tui terréna despiciant, & coeléstia semper aspirent. Per Dóminum.

Si venerit in Quadragesima, cum commemoratione Feriæ.

Pro commemoratione S. Lucii Papæ & Martyris.

Oratio.

DEUS, qui nos beáti Lúcii Mártiris tui atque Pontíficis ánnua sollemnitate lætíficas, concéde propítius; ut cujus natalítia cólimus, de ejúsdem étiam protectióne gaudeámus. Per Dóminum nostrum.

Léctio libri Sapiéntiæ. *Eccli. 31.*

Béatus vir, qui invéntus est sine mácula, & qui post aurum non ábiit, nec sperávit in pecúnia & thesáuris. Quis est hic, & laudábimus eum? fecit enim mirabilia in vita sua. Qui probátus est in illo, & perféctus est, erit illi glória æténa: qui pótuit transgredi, & non est transgréssus; fácere mala, & non fecit. Ideò stabilita sunt bona illíus in Dómino, & eleémósynas illíus enarrábit omnis Ecclesiá Sanctórum.

Graduale. *Psal. 91.* Justus ut palma florebit: sicut cedrus Líbani multiplicábitur in domo Dómini.

A 2

ψ. Ad

V. Ad annuntiandum manē misericordiam tuam, & veritatem tuam per noctem.

Tractus. Psal. 11. Beatus vir, qui timet Dñm: in mandatis ejus cupit nimis. **V.** Potens in terra erit semen ejus: generatio rectōrum benedicetur. **V.** Glória & divitiæ in domo ejus: & justitia ejus manet in sæculum sæculi.

Sequentia sancti Evangelii secundum Lucam. Luca 12. c

In illo tempore: Dixit JESUS discipulis suis: Sint lumbi vestri præcincti, & lucernæ ardentes in manibus vestris, & vos similes hominibus expectantibus dñm suum quando revertatur à nuptiis; ut cum venerit, & pulsaverit, confestim aperiant ei. Beati servi illi, quos cum venerit dñus, invenerit vigilantes: amen dico vobis, quod præcinct se, & faciet illos discumbere, & transiens ministrabit illis. Et si venerit in secunda vigilia, & si in tertia vigilia venerit, & ita invenerit, beati sunt servi illi. Hoc autem scitote, quoniam si sciret paterfamilias, qua hora fur veniret, vigilaret utique, & non sineret perfodi domum suam. Et vos estote parati: quia qua hora non putatis, Filius hominis veniet. **Credo.**

Offertorium. Psalm. 88. Veritas mea, & misericordia mea cum ipso: & in nomine meo exaltabitur cornu ejus.

Secreta.

Suscipe misericors DEUS hæc tuæ plebis obsequia, & coelestia munera expectantis petitiones propitius exaudi. Per Dñm nostrum.

De S. Lucio. Secreta.

Munera tibi, Dñe, dicata sanctifica: & intercedente beato Lucio Martyre tuo, atque Pontifice, per eadem nos placatus intende. Per Dñm nostrum JESUM Christum Filium tuum.

Communio. Matth. 24. Beatus servus, quem, cum venerit Dñus, invenerit vigilantem: amen dico vobis, super omnia bona sua constituet eum. **Postcommunio.**

Refecti cibo potuque coelesti, DEUS noster, te supplices exoramus: ut in cujus hæc commemoratione percipimus, ejus muniamur & precibus. Per Dñm nostrum.

Pro S. Lucio. Postcommunio.

Hæc nos communio Dñe purget à crimine: & intercedente beato Lucio Martyre tuo atque Pontifice, coelestis remedii faciat esse consortes. Per Dñm.

Die v. Martii.

I N F E S T O

Translationis S. Wenceslai Martyris.

Introitus. Psal. 63.



Etabitur justus in Domino, & sperabit in eo: & laudabuntur omnes recti corde.

Psal. ibid. Exaudi DEUS orationem meam cum deprecor: à timore inimici eripe animam meam.

V. Glória Patri.

Oratio.

DEUS, qui beati Wenceslai nobilitatem in meliorem mutasti dignitatem, & eum per Martyrii palmam ad coelestem perduxisti gloriam: ejus precibus nos, quæsumus, ab omni adversitate libera, & æternæ beatitudinis concede perfrui gloria. Per Dñm nostrum JESUM Christum.

Lectio Epistolæ beati Petri Apostoli.

1. Pet. 4. c

Charissimi, Communicantes Christi passionibus gaudete, ut & in revelatione gloriæ ejus gaudeatis exultantes. Si exprobramini in nomine Christi, beati eritis: quoniam quod est honoris, gloriæ, & virtutis DEI, & qui est ejus Spiritus, super vos requie-

fcit. Nemo autem veftrūm patiatur ut homicida, aut fur, aut malédicus, aut alienórum appetitor. Si autem ut Chriftianus, non erubéfcát: gloríficet autem DEUM in ifto nómine. Quóniam tempus eft, ut incípiat iudícium à domo DEI. Si autem primū à nobis: qui finis eórum, qui non credunt DEI Evangéliō? Et fi iuftus vix falvabitur, impius & peccátor ubi parébunt? Itaque & hi, qui patiuntur fecúndum voluntátem DEI, fidélium Creatóri comméndent ánimas fuas in benefáctis.

Graduale. Pſal. 36. Iuftus cūm ceciderit, non collidétur: quia Dóminus ſuppónit manum ſuam. *ŷ.* Tota die miferétur, & cōmodat: & ſemen ejus in benedictióne erit.

Traétus. Pſal. 111. Beátus vir, qui timet Dóminum: in mandátis ejus cupit nimis. *ŷ.* Potens in terra erit ſemen ejus: generátio rectórum benedicétur. *ŷ.* Glória & devitiæ in domo ejus: & juſtitia ejus manet in ſæculum ſæculi.

Sequéntia ſancti Evangélii ſecúndum Matthæum. Matth. 16.

IN illo témpore: Dixit JESUS diſcipulis ſuis: Si quis vult poſt me venire, abneget ſemetípſum, & tollat crucem ſuam, & ſequátur me. Qui enim volúerit ánimam ſuam ſalvam fácere, perdet eam. Qui autem perdidit ánimam ſuam propter me, invéniet eam. Quid enim prodeſt hómīni, ſi mundum univérſum lucrétur, ánimæ verò ſuæ detriméntum patiatur? Aut quam dabit homo commutatió-nem pro ánima ſua? Fílius enim hómīnis ventúrus eſt in glória Patris ſui cum Angelis ſuis: & tunc reddet unicuique ſecúndum ópera ejus.

Dicitur Credo.

Offertorium. Pſal. 20. Poſuíſti Dómine ſuper caput ejus corónam de lapide pretioſo: vitam pétiit à te, & tribuíſti ei.

Secreta.

ACcépta ſit in conſpéctu tuo, Dómine, noſtra devótio: & ejus nobis fiat ſupplicatióne ſalutáris, pro cujus ſolemnitate defértur. Per Dóminum noſtrum.

Communio. Joan. 12. Qui mihi miniſtrat, me ſequátur: & ubi ſum ego, illic & miniſter meus erit.

Postcommunio.

REſécti participatióne múnēris ſacri, quæſumus Dómine DEUS noſter: ut cujus exéquimur cultum, intercedēte beáto Wencesláo mártire tuo, ſentiámus efféctum. Per Dóminum noſtrum.

Die x. Martii.

I N F E S T O

SS. Cyrilli & Methodii Confessorum & Pontificum.

Introitus. Pſal. 131.



Sacerdotes tui, Dómine, induant juſtitiam: & ſancti tui exúltent: propter David ſervum tuum, non avértas faciē Chriſti tui. **Pſalmus.** Meménto Dómine David, & omnis manſuetúdinis ejus. *ŷ.* Glória Patri.

Oratio.

OMnipotens ſempitérne DEUS, qui nos per beátos Pontífices & Confefsóres tuos Cyrillum & Methódium ad unitátem fidei Chriſtiánæ vocáre dignátus es, præſta quæſumus, ut, qui præſénti eórum feſtívitáte lætámur, ipſórum étiam méritis glóriam cónſequi mereámur ætérnam. Per Dóminum noſtrum.

Epistola. Plures facti ſunt Sacerdotes. ut in **Communi Confessoris Pontificis. fol. xviii.**

Graduale. Pſalm. 25. Sacerdotes ejus induam ſalutári: & ſancti ejus exultatióne exultábunt. *ŷ.* Illuc pro-

dúcarn cornu David parávi lucérnam Christo meo.

Tractus. Qui séminant in lácrymis, in gáudio metent. *℣.* Eúntes ibant & flebant, mitténtes sémina sua. *℣.* Veniéntes autem vénient cum exultatióne, portántes manipulos suos.

Evangelium. Vigiláte, quia nescitis qua hora. *de eodem Comuni. fol. xxii.*

Offertorium. Psalm. 67. Mirábilis DEUS in Sanctis suis: DEUS Israél, ipse dabit virtútem & fortitúdinem plebi suæ: benedíctus DEUS.

Secreta.

Oblátis, quæsumus, Dómine placáre munéribus: & intercedéntibus sanctis tuis Cyrillo & Methódio à cunctis nos defénde perículis. Per Dóminum.

Communio. Psal. 67. Quod dico vobis in ténebris, dicite in lúmine, dicit Dóminus: & quod in aure auditis prædicáte super tecta.

Postcommunio.

Præsta nobis, quæsumus, Dómine, intercedéntibus sanctis Confessóribus tuis Cyrillo & Methódio, ut, quod ore contíngimus, pura mente capiámus. Per Dóminum.

FESTA APRILIS.

Die xxiii. Aprilis.

I N F E S T O

S. Adalberti Episcopi & Martyris, Regnique Poloniæ Patroni.

Introitus. Psalm. 63.

DRotexísti me DEUS à convéntu malignántium, allelúja: à multitudíne operántiũ iniquitátem, allel., allel. **Psalm. ibid.** Exáudi DEUS orationem meam cùm deprecor: à timóre inimíci éripe ánimam meam. *℣.* Glória Patri.

Oratio.

Tuam nobis indulgéntiam quæsumus Dómine beátus Adalbértus Episcopis & Martyr implóret: ut & delícta nobis cleménter ignóscas, & beneficia desideráta concédas. Per Dóminum nostrum.

Lectio Epístolæ beáti Pauli Apóstoli ad Hebræos. **Heb. 5.**

Fratres, Omnis Póntifex ex homínibus assúptus pro homínibus constitúitur in iis, quæ sunt ad DEUM, ut offerat dona, & sacrificia pro peccátis: qui condolére possit iis, qui ignórant, & errant: quóniam & ipse circúmdatus est infirmitáte: & propterea debet, quemádmódum pro pópulo, ita étiam & pro semetípso offerre pro peccátis. Nec quisquam sumit sibi honórem, sed qui vocátur à DEO tamquam Aaron. Sic & Christus non semetípsum clarificávit ut Póntifex fieret: sed qui locútus est ad eum: Fílius meus es tu, ego hódie genui te. Quemádmódum & in álío loco dicitur: Tu es Sacerdos in ætérnum, secúndum órđinem Melchisedech.

Allelúja, allelúja. ℣. Surréxit Pastor bonus, qui pósuit ánimam suam pro óvibus suis, & pro grege suo mori dignátus est, allelúja. *℣.* Posuísti Dómine super caput ejus coronam de lápide pretiósó, allelúja.

Sequéntia sancti Evangélii secúndum Joánnem. Joan. 10.

In illo témpore: Dixit JESUS Pharisæis: Ego sum Pastor bonus. Bonus Pastor ánimam suam dat pro óvibus suis. Mercenárius autem, & qui non est Pastor, cujus non sunt oves propriæ, videt lupum veniéntem, & dimíttit oves, & fugit: & lupus rapit, & dispérgit oves: mercenárius autem fugit, quia mercenárius est, & non pertinet ad eum de óvibus. Ego sum Pastor bonus: & cognóscó meas, & cognóscunt me meæ. Sicut novit me

Pater, & ego agnósko Patrem: & ánimam meam pono pro óvibus meis. Et álias oves hábeo, quæ non sunt ex hoc óvili: & illas opórtet me addúcere, & vocem meam áudient, & fiet unum ovile, & unus Pastor. **Credo.**

Offertorium. Psalm. 20. Posuisti Dómine in cápite ejus coronam de lápide pretiósó: vitam pétiiit à te, & tribuisti ei. Allelúja.

Secreta.

Sacrificium exhibitum, quæsumus, Dómine, benígnus asúme: ut, quod nómini tuo in solemnitate beati Adalberti Mártiris tui atque Pontíficis deférimus, nobis prosit ad véniam. Per Dóminum nostrum.

Communio. Joan. 10. Ego sum Pastor bonus, allelúja: & cognósko oves meas, & cognóscunt me meæ, allelúja, allelúja.

Postcommunio.

Refécti Dómine munéribus sacris, súpplīces te deprecámur; ut indulgéntiam tuam nobis intercésio beati Adalberti Mártiris tui atque Pontíficis semper implóret. Per Dóminum nostrum.

F E S T A M A I I.

Die ii. Maii.

I N F E S T O

S. Sigismundi Regis & Martyris.

Introitus. Psalm. 63.

Protexisti me Deus à convéntu malignántiū, allelúja: à multitúdine operántium iniquitatē, allelúja, allelúja.

Psalm. ibid. Exáudi DEUS orationem meam cum déprecor à timóre inimíci éripe ánimam meam.

Glória Patri. Oratio.

DEUS qui beátum Sigismúndum Regem, temporáli & ætérno diadémate cum delideráta Martyrii

coróna honoráre dignátus es: tribue quæsumus; ut, qui ejus mérita venerámur in terris, ipsíus intercessióne ab ómnibus protegámur advérsis. Per Dóminum nostrum.

Léctio libri Sapiéntiæ. Sap. 5.

Stabunt iusti in magna constantia advérsus eos qui se angustiavé-runt, & qui abstulérunt labóres eórum. Vidéntes turbabúntur timóre horribili, & mirabúntur in subitatio-ne insperátæ salútis, dicéntes intra se, pœniténtiam ágéntes, & præ angústia spíritus geméntes: Hi sunt, quos habúimus aliquándo in derísu, & in similitúdinem impropérii. Nos insensáti vitam illórum æstimabámus insániam, & finem illórum sine honóre: ecce quómodo computáti sunt inter filios DEI, & inter Sanctos fors illórum est.

Allelúja, allelúja. **Psalm. 88.** Confitebúntur coeli mirabilia tua Dómine: étenim veritátem tuam in ecclésia sanctórum. Allelúja.

Psalm. 20. Posuisti Dómine super caput ejus coronam de lápide pretiósó. Allelúja.

Sequéntia sancti Evangélii secúndum Joánnem. Joan. 15.

In illo témpore: Dixit Jesus discipulis suis: Ego sum vitis vera: & Pater meus agricola est. Omnem pálmitem in me non feréntem fructum, tollet eum: & omnem qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me, & ego in vobis. Sicut palmes non potest ferre fructum à semetípso, nisi mánserit in vite: sic nec vos, nisi in me manséritis. Ego sum vitis, vos pálmities: qui manet in me, & ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras sicut palmes, & aréscet, & colligent

eum, & in ignem mittent, & ardet. Si manseritis in me, & verba mea in vobis manserint: quodcúmque volueritis, petetis, & fiet vobis. **Credo.**

Offertorium. Psalm. 88. Confitebuntur coeli mirabilia tua Dómine, & veritatem tuam in Ecclesia Sanctorum, allelúja, allelúja.

Secreta.

Concede, quæsumus Rex æternæ: ut hujus sacrificii munus oblatum, intervntu sancti Sigismundi Regis & Martyris, fragilitatem nostram ab omni adversitate semper protegat & muniat. Per Dóminum.

Communio. Psalm. 36. Lætabitur justus in Dómino, & sperabit in eo, & laudabuntur omnes recti corde, allelúja, allelúja.

Postcommunio.

Purificent nos, quæsumus Rex æternæ, tua percepta Sacramenta: & intercessione beati Sigismundi Regis & Martyris tui, ab omni malo expiatis, tibi nos reddant acceptos. Per Dóminum nostrum.

Die iv. Maii.

I N F E S T O

Sancti Floriani Martyris.

Introitus. Psal. 63.



Rotexisti me DEUS à conventu malignantiũ, allelúja: à multitudinem operantium iniquitatẽ, allelúja, allelúja.

Psalm. ibid. Exaudi DEUS orationem meam cum deprecor: à timore inimici eripe animam meam.

Glória Patri. Oratio.

DEUS, qui nos beati Floriani Martyris tui solemnitate lætificas: concede propitius, ut cujus gloriosum triumphum veneramur in terris, societatis ejus lætitiã adipisci mereamur in coelis. Per Dóminum.

Lectio libri Sapiëntiæ. Sap. 5.

Stabunt iusti in magna constantia adversus eos qui se angustiarunt, & qui abstulerunt labores eorum. Videntes turbabuntur timore horribili, & mirabuntur in subitatione insperatæ salutis, dicentes intra se, poenitentiam agentes, & præ angustia spiritus gementes: Hi sunt, quos habuimus aliquando in derisum, & in similitudinem improperii. Nos insensatam vitam illorum æstimabamus insaniam, & finem illorum sine honore: ecce quomodo computati sunt inter filios DEI, & inter Sanctos fors illorum est.

Allelúja, allelúja. Psal. 88. Confitebuntur coeli mirabilia tua Dómine: etenim veritatem tuam in ecclesia sanctorum. Allelúja.

Psal. Pretiosa in conspectu Dómini, mors Sanctorum ejus, allelúja.

Sequentia sancti Evangelii secundum Joannem. Joan. 15.

In illo tempore: Dixit Jesus discipulis suis: Ego sum vitis vera: & Pater meus agricola est. Omnem palmitem in me non ferentem fructum, tollet eum: & omnem qui fert fructum, purgabit eum, ut fructum plus afferat. Jam vos mundi estis propter sermonem, quem locutus sum vobis. Manete in me, & ego in vobis. Sicut palmes non potest ferre fructum à semetipso, nisi manserit in vite: sic nec vos, nisi in me manseritis. Ego sum vitis, vos palmites: qui manet in me, & ego in eo, hic fert fructum multum: quia sine me nihil potestis facere. Si quis in me non manserit, mittetur foras sicut palmes, & arcescet, & colligent eum, & in ignem mittent, & ardet. Si manseritis in me, & verba mea in vobis manserint: quodcúmque volueritis, petetis, & fiet vobis. **Credo.**

Offertorium. Psalm. 88. Confitebuntur coeli mirabilia tua Dómine, &

veritatem tuam in Ecclesia Sancto-
rum, allelúja, allelúja.

Secreta.

HAnc oblationis Hostiam, quæsumus omnipotens Deus beati Floriani martyris tui, digna commendet oratio: qui sancto charitatis tuæ devictus amore, propriam sui corporis hostiam in odorem suavitatis tibi obtulit vivam. Per Dominum.

Communio. Psalm. 63. Lætabitur justus in Domino, & sperabit in eo: & laudabuntur omnes recti corde, allelúja, allelúja.

Postcommunio.

SAncta nos, quæsumus, Domine, Sacramenti coelestis participatio, & ab hostium callido tueantur incursu: & sancto Florianio intercedente, nobis remedia salutis conferant sempiterna. Per Dominum nostrum.

Die iv. Maii.

I N F E S T O

**Sancti Stanislai Episcopi & Martyris.
Regnique Poloniae Patroni.**

Introitus. Psalm. 63.

Rotexisti me Deus à conventu malignantiū, allelúja: à multitudine operantium iniquitatē, allelúja, allelúja.

Psalm. ibid. Exaudi Deus orationem meam cum deprecor à timore inimici eripe animam meam.

Glória Patri. Oratio.

DEUS, pro cujus honore gloriosus Pontifex Stanisláus gládiis impiórum occubuit: præsta quæsumus; ut omnes qui ejus implórant auxilium, petitionis suæ salutarem consequantur effectum. Per Dominum.

Lectio Epistolæ beati Pauli Apóstoli ad Hebræos. Heb. 5.

FRatres, Omnis Pontifex ex hominibus assumptus, pro hominibus

constituitur in iis, quæ sunt ad Deum, ut offerat dona, & sacrificia pro peccatis: qui condolere possit iis, qui ignorant, & errant: quoniam & ipse circumdatus est infirmitate: & proterea debet, quemadmodum pro populo, ita etiam & pro semetipso offerre pro peccatis. Nec quisquam sumit sibi honorem, sed qui vocatur à Deo tamquam Aaron. Sic & Christus non semetipsum clarificavit ut Pontifex fieret: sed qui locutus est ad eum: Filius meus es tu, ego hodie genui te. Quemadmodum & in alio loco dicit: Tu es Sacerdos in æternum, secundum ordinem Melchisedech.

Allelúja, allelúja. Ps. Surréxit Pastor bonus, qui posuit animam suam pro ovibus suis, & pro grege suo mori dignatus est, allelúja. **Ps. 20.** Posuisti Domine super caput ejus coronam de lapide pretioso, allelúja.

Sequentia sancti Evangelii secundum Joannem. Joan. 10.

In illo tempore: Dixit Jesus Pharisæis: Ego sum pastor bonus. Bonus pastor animam suam dat pro ovibus suis. Mercenarius autem, & qui non est pastor, cujus non sunt oves propriæ, videt lupum venientem, & dimittit oves, & fugit: & lupus rapit, & dispergit oves: mercenarius autem fugit, quia mercenarius est, & non pertinet ad eum de ovibus. Ego sum Pastor bonus: & cognosco meas, & cognoscunt me meæ. Sicut novit me Pater, & ego agnosco Patrem: & animam meam pono pro ovibus meis. Et alias oves habeo, quæ non sunt ex hoc ovili: & illas oportet me adducere, & vocem meam audient, & fiet unum ovile, & unus Pastor.

Credo.

Offertorium. Psalm. 20. Posuisti Domine in capite ejus coronam de lapide pretioso: vitam petiit à te, & tribuisti ei. Allelúja.

Secreta.

MUnera tibi Dómine dicata sanctifica: & intercedente beato Stanisláo mártire tuo atque Pontífice, per eadem nos placatus inténde. Per Dóminum nostrum.

Communio. Joan. 10. Ego sum Pastor bonus, allelúja: & cognosco oves meas, & cognoscunt me meæ, allelúja, allelúja.

Postcommunio.

Hæc nos commúnio, Dómine, purget à crimine: & intercedente beato Stanisláo mártire tuo atque Pontífice, coeléstis remédii fáciat esse consórtes. Per Dóminum.

F E S T A J U N I I.

Die iii. Junii.

I N F E S T O

Sancti Erasmi Episcopi & Martyris.

Tempore Paschali.

Introitus. Psalm. 63.

Protexisti me DEUS à convéntu malignantiũ, allelúja: à multitudíne operantium iniquitatē, allelúja, allelúja.

Psalm. ibid. Exáudi DEUS orationem meam cum deprecor: à timóre inimici éripe animam meam.

ŷ. Glória Patri. **Oratio.**

DEUS, cujus virtúte beátus Erásmus Martyr & Póntifex, multa tormentórum génera superávit: fac nos, quæsumus, ejus intercessióne, univérſas insídias inimicórum nostrórum visibílium & invisibílium cum gáudio superáre, & in Christo bonis opéribus abundáre. Per Dóminum.

Epistola. Stabunt justí. **de Comuni Mart. tempore Paschali. fol. vii.** Allelúja, allelúja. ŷ. Psalm. 88. Confitebuntur coeli mirabilia tua Dómine: etenim veritatem tuam in ecclésia sanctórum. Allelúja.

ŷ. Psalm. 20. Posuisti Dómine super caput ejus coronam de lapide pretioso. Allelúja.

Evangelium. Ego sum vitis vera, & Pater meus agricola est. **de eodem Comuni. fol. vii.**

Offertorium. Psalm. 88. Confitebuntur coeli mirabilia tua Dómine, & veritatem tuam in ecclésia Sanctórum, allelúja, allelúja.

Secreta.

MUnera tibi Dómine dicata sanctifica: & intercedente beato Erásmo mártire tuo atque Pontífice, per eadem nos placatus inténde. Per Dóminum nostrum.

Communio. Psalm. 63. Lætábitur justus in Dómino, & sperábit in eo: & laudabuntur omnes recti corde, allelúja, allelúja.

Postcommunio.

Refécti participatióne múnieris sacri, quæsumus Dómine DEUS noster: ut cujus exequimur cultum, intercedente beato Erásmo mártire tuo atque Pontífice, sentiámus effectum. Per Dóminum.

Die iii. Junii.

I N F E S T O

S. Erasmi Episcopi & Martyris,
post Pentecosten.

Introitus. Dan. 5.

Sacerdotes DEI benedicite Dóminum: sancti & humiles corde laudate DEUM. **Psalm. ibid.** Benedicite omnia ópera Dómini Dómino: laudate & superexaltate eum in sæcula.

ŷ. Glória Patri. **Oratio.**

DEUS, cujus virtúte beátus Erásmus Martyr & Póntifex, multa tormentórum génera superávit: fac nos, quæsumus, ejus intercessióne, univérſas insídias inimicórum nostrórum

rum visibílium & invisibílium cum gáudio superáre, & in Christo bonis opéribus abundáre. Per Dóminum.

Léctio Epístolæ beati Pauli Apóstoli ad Corínthios. **2. Cor. 1.**

FRatres, Benedíctus DEUS & Pater Dómini nostri Jesu Christi, Pater misericordiárum, & DEUS totius consolatiónis, qui consolátur nos in omni tribulatióne nostra: ut possimus & ipsi consolári eos, qui in omni pressúra sunt, per exhortatióem, qua exhortámur & ipsi à DEO. Quóniam sicut abúndant passiões Christi in nobis: ita & per Christum abúndat consolatio nostra. Sive autem tribulamur pro vestra exhortatióne & salúte, sive consolámur pro vestra consolatióne, sive exhortámur pro vestra exhortatióne & salúte, quæ operáitur tolerántiam earúmdem passiõnum, quas & nos pátimur: ut spes nostra firma sit pro vobis: sciéntes, quòd, sicut sócii passiõnum estis, sic éritis & consolatiónis: in Christo Jesu Dómino nostro.

Graduale. Psal. 8. Glória & honóre coronásti eum. **Ps.** Et constituísti eum super ópera mánuum tuárum, Dómine. **Allelúja, allelúja.** **Ps.** Hic est Sacerdos, quem coronávit Dóminus. **Allelúja.**

Sequéntia sancti Evangélíi secúndum Matthæum. **Matth. 16. d**

In illo témpore: Dixit JESUS discipulis suis: Si quis vult post me venire, abneget semetípsam, & tollat crucem suam, & sequátur me. Qui enim volúerit ánimam suam salvam fácere, perdet eam. Qui autem perdiderit ánimam suam propter me, invéniet eam. Quid enim prodest hómini, si mundum univérsam lucrétur, ánimæ verò suæ detriméntum patiátur? Aut quam dabit homo commutatióem pro ánima sua? Fílius enim hóminis ventúrus est in glória Patris sui cum

Angelis suis: & tunc reddet unicuique secúndum ópera ejus.

Offertorium. Psal. 88. Inveni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum. **Secreta.**

MUnera tibi Dómine dicáta sanctifica: & intercedénte beato Erasmo mártire tuo atque Pontífice, per eadem nos placátus inténde. Per Dóminum nostrum.

Communio. Psal. 20. Posuísti Dómine in cápite ejus corónam de lapide pretiósó. **Postcommunio.**

Refécti participatióne múnieris sacri, quæsumus Dómine DEUS noster: ut cujus exéquimur cultum, intercedénte beato Erasmo mártire tuo atque Pontífice, sentiámus effectum. Per Dóminum nostrum.

FESTA JULII.

Die xiii. Julii.

IN FESTO

S. MARGARITÆ VIRGINIS & MARTYRIS.

Missa. Me expectaverunt. de Comuni Virginum & Martyrum. fol. xxvi.

Die xv. Julii.

IN FESTO

Divisionis Sanctorum Apostolorum.

Introitus. Psal. 138.



Mhi autem nimis honorati sunt amici tui DEUS: nimis confortatus est principatus eorum. **Psal. ibid.** Dómine probasti me, & cognovísti me: tu cognovísti sessiõnem meam, & resurrectiõnem meam. **Ps.** Glória Patri.

Oratio.

DEUS, qui Ecclesiám tuam distribútam per orbem terrárum, sanctórum Apostolórum prædicatió-

ne fundásti: concéde propítius, ut quorum hodiérna die sub una celebri-
tate recólimus insígnia, eórum in cun-
ctis necessitatibus nostris experiámur
suffrágia. Per Dóminum.

Lectio Epístolæ beáti Pauli Apóstoli
ad Ephésios. **Ephes. 2. d**

FRatres, Jam non estis hóspites, &
ádvenæ: sed estis cives sanctó-
rum, & Doméstici DEI: superædificáti
super fundaméntum Apostolorum, &
Prophetárum, ipso summo angulári
lápide Christo Jesu: in quo omnis æ-
dificatio constrúcta crescit in templum
sanctum in Dómino, in quo & vos co-
ædificámini in habitáculum DEI in Spí-
ritu sancto.

Graduale. Psalm. 44. Constitues
eos príncipes super omnem terram:
mémores erunt nóminis tui Dómine.

Ps. Pro pátribus tuis nati sunt tibi filii:
propterea pópuli confitebúntur tibi.
Allelúja, allelúja.

Ps. Joan. 15. Ego vos elégi de mundo,
ut eátis, & fructum afferátis: & fru-
ctus vester máneat. **Allelúja.**

Sequéntia sancti Evangélíi secúndum
Lucam. **Lucæ 9.**

IN illo témpore: Convocátis JESUS
duódecim Apóstolis, dedit illis vir-
tútem & potestátem super ómnia dæ-
mónia, & ut languóres curárent. Et
misit illos prædicáre regnum DEI, &
sanáre infirmos. Et ait ad illos: Nihil
tuléritis in via, neque virgam, neque
peram, neque panem, neque pecú-
niam, neque duas túnicas habeátis.
Et in quacúmque domum intravé-
ritis, ibi manéte, & inde ne exeátis.
Et quicúmque non recéperint vos:
exeúntes de civitate illa étiam púlve-
rem pedum vestrórum excútite in te-
stimoníum supra illos. Egréssi autem
circuibant per castélla evangelizántes
& curántes ubique.

Credo.

Offertorium. Psal. 13. In omnem
terram exívit sonus eórum: & in fines
orbis terræ verba eórum.

Secreta.

GLóriam, Dómine, Sanctorum
Apostolorum tuorum perpé-
tuam in eorum divisióne recenséntes,
quæsumus, ut eam sacris mystériis ex-
piáti, digniús celebrémus. Per Dómi-
num nostrum.

Præfatio de Apostolis.

Communio. Matth. 19. Vos qui
secúti estis me, sedébitis super sedes, ju-
dicántes duódecim tribus Israel.

Postcommunio.

Percéptis Dómine Sacraméntis sup-
pliciter exorámus: ut intercedén-
tibus beátis Apóstolis tuis, quæ pro
illórum veneránda gérimus comme-
moratióne, nobis proficiant ad medé-
lam. Per Dóminum.

Die xxiv. Julii.

**IN FESTO S. CHRISTINÆ VIRGINIS
& Martyris, Missa. Me expectavé-
runt. de Communi Virginum &
Martyrum. fol. xxvi.**

**Et fit commemoratio Vigiliæ sancti
Jacobi, nisi sit Patrona, vel Titularis
Ecclesiæ.**

F E S T A A U G U S T I

Die xxvi. Augusti.

I N F E S T O

Sancti Hyacinthi Confessoris.

Introitus. Psal. 36.



O justi meditabitur sa-
piéntiam, & lingua ejus
loquétur judícium: lex
DEI ejus in corde ipsius.
Psal. ibid. Noli æmulári
in malignántibus: neque zeláveris fa-
ciéntes iniquitátem.

Ps. Glória Patri. **Oratio.**

ADesto Dómine supplicatióibus
nostris, quas in beáti Hyacinthi

Confessoris tui solemnitate deferimus: ut, qui nostræ justitiæ fiduciam non habemus, ejus, qui tibi placuit, precibus adjuvemur. Per Dominum.

Vel Oratio.

DEUS, qui beatum Hyacinthum Confessorem tuum, in diversis nationum populis operum sanctitate, & miraculorum gloria fecisti conspiciuum: da nobis, ut suis in melius reformemur exemplis, & in adversis protegámur auxiliis. Per Dominum.

Secunda Oratio de Octava Assumptionis B. Mariæ. Famulorum tuorum.

Tertia Oratio, de Octava S. Laurentii. Da nobis.

Lectio Epistolæ beati Pauli Apostoli ad Corinthios. 1. Cor. 4. b

FRatres: Spectaculum facti sumus mundo, & Angelis, & hominibus. Nos stulti propter Christum, vos autem prudentes in Christo: nos infirmi, vos autem fortes: vos nobiles, nos autem ignobiles. Usque in hanc horam & esurimus, & sitimus, & nudi sumus, & colaphis cædimur, & instabiles sumus, & laboramus operantes manibus nostris: maledicimur, & benedicimus: persecutionem patimur, & sustinemus: blasphemamur & obsecramus: tamquam purgamenta huius mundi facti sumus, omnium peripséma usque adhuc. Non ut confundam vos, hæc scribo, sed ut filios meos charissimos moneo. In Christo Jesu Domino nostro.

Graduale. Psal. 91. Justus ut palma florebit: sicut cedrus Libani multiplicabitur in domo Domini.

Y. Ad annuntiandum manè misericordiam tuam, & veritatem tuam per noctem. Allelúja, allelúja.

Y. Jac. 1. Beatus vir, qui suffert tentationem: quoniam cum probatus fuerit, accipiet coronam vitæ. Allelúja.

Sequentia sancti Evangelii secundum Lucam. *Lucæ 12. c*

IN illo tempore: Dixit Jesus discipulis suis: Sint lumbi vestri præcincti, & lucernæ ardentes in manibus vestris, & vos similes hominibus expectantibus dominum suum quando revertatur à nuptiis; ut cum venerit, & pulsaverit, confestim aperiant ei. Beati servi illi, quos cum venerit dominus, invenerit vigilantes: amen dico vobis, quod præcinget se, & faciet illos discumbere, & transiens ministrabit illis. Et si venerit in secunda vigilia, & si in tertia vigilia venerit, & ita invenerit, beati sunt servi illi. Hoc autem scitote, quoniam si sciret paterfamilias, qua hora fur veniret, vigilaret utique, & non sineret perfodi domum suam. Et vos estote parati: quia qua hora non putatis, Filius hominis veniet.

Offertorium. Veritas mea, & misericordia mea cum ipso: & in nomine meo exaltabitur cornu ejus.

Secreta.

PRæsta nobis, quæsumus omnipotens DEUS: ut nostræ humilitatis oblatio, & pro tuorum tibi grata sit honore Sanctorum, & nos corpore pariter & mente purificet. Per Dominum nostrum JESUM Christum Filium tuum.

Communio. Matth. 24. Beatus servus, quem, cum venerit Dominus, invenerit vigilantem: amen dico vobis, super omnia bona sua constituet eum.

Postcommunio.

QUæsumus omnipotens DEUS: ut, qui cœlestia alimenta percipimus, intercedente beato Hyacintho Confessore tuo, per hæc contra omnia adversa muniamur. Per Dominum nostrum JESUM Christum Filium tuum: Qui tecum vivit & regnat in unitate Spiritus sancti DEUS.

Die xix. Augusti.

I N F E S T O

S. Benignæ Virginis & Martyris.

Introitus. Psal. 118.



Loquébar in testimoniis
tuis in conspectu re-
gum, & non confundé-
bar: & meditábar in
mandátis tuis, quæ dilé-
xi nimis. **Psal. ibid.** Beáti immaculáti
in via: qui ámbulant in lege Dómini.
Glória Patri. Oratio.

DEUS, qui inter cætera poténtiæ
tuæ miracula, étiam in sexu frá-
gili victóriam martyrii contulísti:
concède propítius; ut, qui beátæ Be-
nignæ vírginis & mártiris tuæ natali-
tia cólimus, per ejus ad te exémpla
gradiámur. Per Dóminum.

Epístola. Confitebor tibi Dómine
Rex. **de Comuni Virginis & Mar-
tyris.** fol. xxv.

Graduale. Psal. 45. Adjuvabit eam
DEUS vultu suo: DEUS in médio ejus,
non commovébitur. **Flúminis ím-
petus lætíficat civitátem DEI: sanctifi-
cávit tabernáculum suum Altíssimus.**
Allelúja, allelúja. Psal. 44. Addu-
céntur Regi vírgines post eam, próxi-
mæ ejus afferéntur tibi in lætítia.
Allelúja.

Evangelium. Simile erit regnum
coelórum decem Virgínibus. **de Com-
muni Virginis & Martyris.** fol. xxv.

Offertorium. ibid. Diffúsa est grá-
tia in lábiis tuis, proptéreà benedixit
te DEUS in ætérnum, & in sæculum
sæculi.

Secreta.

Suscipe Dómine múnera, quæ in
beátæ Benignæ vírginis & márti-
ris tuæ solemnitáte deferimus, cujus
nos confidimus patrocínio liberári.
Per Dóminum nostrum.

Communio. Matth. 25. Quinque
prudéntes vírgines accepérunt óleum
in vasis suis cum lampádibus: média

autem nocte clamor factus est, ecce
sponsus venit, exíte óbviám Christo
Dómino. **Postcommunio.**

Auxiliéntur nobis, Dómine, sum-
pta mystéria: & intercedénte
beáta Benigna Vírgine & Mártire tua,
sempitérna fáciant protectióne gaudé-
re. Per Dóminum.

Die xxix. Augusti.

I N F E S T O

Sanctæ Sabinæ Martyris.

Introitus. Psal. 118.



Me expectavérunt pecca-
tóres, ut pérderent me:
testimónia tua Dómi-
ne intelléxi, omnis con-
sumatiónis vidi finem:
latum mandátum tuum nimis.

Psal. ibid. Beáti immaculáti in via:
qui ámbulant in lege Dómini.
Glória Patri. Oratio.

DEUS, qui inter cætera poténtiæ
tuæ miracula, étiam in sexu frá-
gili victóriam martyrii contulísti:
concède propítius; ut, qui beátæ Sa-
binæ mártiris tuæ natalítia cólimus,
per ejus ad te exémpla gradiámur.
Per Dóminum nostrum.

Epístola. Confitebor tibi Dómine
Rex. **ut in Comuni Martyris non
Virginis.** fol. xxxi.

Graduale. Psal. 44. Dilexísti justí-
tiam, & odísti iniquitátem. **Pro-
ptéreà unxit te DEUS, DEUS tuus,
óleo lætítiæ. Allelúja, allelúja.**

**Spécie tua, & pulchritúdine tua,
inténde, próspere procéde, & regna.**
Allelúja.

Evangelium. Simile est regnum coe-
lórum thesauro abscondito in agro.
de eodem Comuni. fol. xxxi.

Offertorium. Diffúsa est grátia in
lábiis tuis, proptéreà benedixit te DEUS
in ætérnum, & in sæculum sæculi, alle-
lúja.

Secreta.

Hostias tibi, Dómine, beatae Sabinae mártiris tuae dicatas méritis, benignus asúme: & ad perpétuum nobis tribue proveníre subsidium. Per Dñm.

Communio. Psal. 118. Príncipes persecúti sunt me gratis, & à verbis tuis formidávit cor meum: lætabor ego super elóquia tua, quasi qui invénit spólia multa.

Postcommunio.

Divini múnneris largitáte satiáti, quæsumus Dómine DEUS noster: ut intercedente beata Sabina mártire tua, in ejus semper participatióne vivámus. Per Dóminum.

FESTA SEPTEMBRIS.

Die x. Septembris.

INFESTO

Sancti Dalmatii Martyris.

Introitus. Psal. 20.

IN virtúte tua, Dómine, lætábitur justus: & super salutáre tuum exultábit vehementer: desiderium animæ ejus tribuisti ei. Psal. ibid. Quóniam prævenisti eum in benedictionibus dulcedinis: posuisti in capite ejus coronam de lapide pretioso.

Glória Patri.

Oratio.

Omnipotens sempitérne DEUS, fidelium tuorum indeficiens conservátor, qui gloriósi mártiris tui Dalmatii clarificáre dignátus es solemnitatem: exáudi preces supplicántis Ecclesiæ, & præsta, ut, quæ devótè expe- tit, eo suffragánte consequi mereátur. Per Dóminum nostrum JESUM Christum Filium tuum.

Epistola. Memor esto Dóminum JESUM Christum. de Comuni unius Martyris. fol. v.

Graduale. Psal. 20. Glória & honóre coronásti eum. Et constituí-

Pol.

sti eum super ópera mánuum tuarum, Dómine. Allelúja, allelúja.

Glória Patri. **Joan. 8.** Qui séquitur me, non ambulat in ténebris, sed habébit lumen vitæ æternæ. Allelúja.

Eyangelium. Si quis vult post me veníre. de Comuni unius Martyris Pontificis. fol. iii.

Offertorium. Psal. 20. In virtúte tua Dómine lætábitur justus, & super salutáre tuum exultábit vehementer: desiderium animæ ejus tribuisti ei.

Secreta.

Munéribus nostris, quæsumus Dómine, precibusque susceptis: & coeléstibus nos munda mystériis, & cleménter exáudi. Per Dóminum.

Communio. Matth. 16. Qui vult veníre post me, abneget semetipsum: & tollat crucem suam, & sequátur me.

Postcommunio.

Refécti participatióne múnneris sacri, quæsumus Dómine DEUS noster: ut cujus exéquimur cultum, intercedente beato Dalmatio mártire tuo, sentiámus effectum. Per Dñm.

Die xxv. Septembris.

INFESTO

S. Tyrsi Martyris.

Introitus. Psalm. 63.



Lætábitur justus in Dómino, & sperábit in eo: & laudabúntur omnes recti corde.

Psal. ibid. Exáudi DEUS orationem meam, cum deprecor: à timóre inimíci éripe animam meam.

Glória Patri.

Oratio.

Omnipotens sempitérne DEUS, qui beatum Tyrsum pro confessi- ne nóminis tui fortem in certámine fecísti, & eum per martyrii palmam sanctis tuis in coelis sociásti: præsta quæsumus, ut, qui martyrii sui diem ánnua devotióne recólimus, ipsius intercessi- óne in confessi- óne fidei simus

stábiles, & in bonis opéribus efficáces.
Per Dóminum nostrum.

Epístola. Omne gáudium existi-
máte. **de Communi unius Martyris.**
fol. vi.

Graduale. Psal. 36. Justus cùm ce-
ciderit, non collidétur: quia Dómi-
nus supponit manum suam. **ψ.** Tota
die miserétur, & còmmodat: & fe-
men ejus in benedictióne erit. **Alle-
lúja, allelúja.** **ψ.** Posuisti Dómine su-
per caput ejus corónam de lápide pre-
tioso. **Allelúja.**

Evangelium. Nihil est opértum
quòd non revelábitur. **de Communi
unius Martyris.** fol. vi.

Offertorium. Psal. 8. Glória & ho-
nóre coronásti eum: & constituísti
eum super ópera mánuum tuárum,
Dómine. **Secreta.**

Accépta sit in conspéctu tuo, Dó-
mine, nostra devótio: & ejus
nobis fiat supplicatióne salutáris, pro
cujus solemnitate defértur. Per Dñm.

Communio. Joan. 12. Qui mihi
ministrat, me sequátur: & ubi sum
ego, illic & mínister meus erit.

Postcommunio.

DA, quæsumus Dómine DEUS no-
ster: ut sicut tuórum comme-
moratióne Sanctórum, temporáli gra-
tulámur officio; ita perpétuo læté-
mur aspéctu. Per Dóminum.

Die xxvii. Septembris.

I N F E S T O

Translationis S. Stanislai Episcopi &
Martyris.

Introitus. Eccl. 45.



Tátuit ei Dóminus testa-
méntum pacis: & prín-
cipem fecit eum: ut sit
illi sacerdotii dignitas in
æternum.

Psal. 131. Méménto Dómine Da-
vid: & omnis mansuetúdinis ejus.

ψ. Glória Patri.

Oratio.

DEUS, pro cujus honóre gloriósus
Póntifex Stanisláus gládiis im-
piórum occúbuit: præsta quæsumus;
ut omnes, qui ejus implórant auxí-
lium, petitiónis suæ salutárem conse-
quántur effectum. Per Dóminum.

Léctio Epístolæ beati Pauli Apóstoli
ad Hebræos. **Heb. 5.**

FRatres, Omnis Póntifex ex homí-
nibus assúptus pro homínibus
constitúitur in iis, quæ sunt ad DEUM, ut
ófferat dona, & sacrificia pro peccátis:
qui condolére possit iis, qui ignórant,
& errant: quóniam & ipse circúmda-
tus est infirmitate: & propterea de-
bet, quemádmódum pro pópulo, ita
étiam & pro semetípso offerre pro
peccátis. Nec quisquam sumit sibi ho-
nórem, sed qui vocátur à DEO tam-
quam Aaron. Sic & Christus non se-
metípsum clarificávit, ut Póntifex fie-
ret: sed qui locútus est ad eum: Fí-
lius meus es tu, ego hódie génui te.
Quemádmódum & in álío loco dici-
tur: Tu es Sacerdos in ætérnum, se-
cúndum órđinem Melchisedech.

Graduale. Eccl. 44. Ecce Sacerdos
magnus qui in diébus suis plácuít DEO.
ψ. Non est invéntus similis illi, qui
conserváret legem Excélsi.

Allelúja, allelúja. **ψ.** Joan. 10. Ego
sum pastor bonus: & cognóscó oves
meas: & cognóscunt me meæ.
Allelúja.

Sequéntia sancti Evangelii secúndum
Joánnem. **Joan. 10.**

IN illo témpore: Dixit JESUS Phari-
sæis: Ego sum pastor bonus. Bo-
nus pastor ánimam suam dat pro óvi-
bus suis. Mercenárius autem, & qui
non est pastor, cujus non sunt oves
própriæ, videt lupum veniéntem, &
dimittit oves, & fugit: & lupus rapit,
& dispérgit oves: mercenárius autem
fugit, quia mercenárius est, & non
pértinet ad eum de óvibus. Ego sum

pastor

pastor bonus: & cognosco meas, & cognoscunt me meæ. Sicut novit me Pater, & ego agnosco Patrem: & animam meam pono pro ovibus meis. Et alias oves habeo, quæ non sunt ex hoc ovili: & illas oportet me adducere, & vocem meam audient, & fiet unum ovile, & unus Pastor. **Credo.**

Offertorium. Psalm. 20. Posuisti Domine in capite ejus coronam de lapide pretioso: vitam petiit à te, & tribuisti ei. Allelúja.

Secreta.

MUnera tibi Domine dicata sanctifica: & intercedente beato Stanislao martyre tuo atque Pontifice, per eadem nos placatus intende. Per Dominum nostrum.

Communio. Joan. 10. Ego sum Pastor bonus, allelúja: & cognosco oves meas, & cognoscunt me meæ, allelúja, allelúja.

Postcommunio.

Hæc nos communio, Domine, purget à crimine: & intercedente beato Stanislao martyre tuo atque Pontifice, coelestis remedii faciat esse consortes. Per Dominum.

Die xxviii. Septembris.

I N F E S T O

Sancti Wenceslai Martyris.

Introitus. Psalm. 63.



Etabitur justus in Domino, & sperabit in eo: & laudabuntur omnes recti corde.

Psalm. ibid. Exaudi Deus orationem meam cum deprecor: à timore inimici eripe animam meam.

Glória Patri. Oratio.

DEUS, qui beati Wenceslai nobilitatem in meliorem mutasti dignitatem, & eum per Martyrii palmam ad coelestem perduxisti gloriam: ejus precibus nos, quæsumus, ab omni adversitate libera, & æternæ beati-

tudinis concede perfrui gloria. Per Dominum nostrum.

Lectio Epistolæ beati Petri Apostoli.

1. Pet. 4. c

Charissimi, Communicantes Christi passionibus gaudete, ut & in revelatione gloriæ ejus gaudeatis exultantes. Si exprobramini in nomine Christi, beati eritis: quoniam quod est honoris, gloriæ, & virtutis Dei, & qui est ejus Spiritus, super vos requiescit. Nemo autem vestrum patiatur ut homicida, aut fur, aut maledicus, aut alienorum appetitor. Si autem ut Christianus, non erubescat: glorificet autem Deum in isto nomine. Quoniam tempus est, ut incipiat judicium à domo Dei. Si autem primum à nobis: qui finis eorum, qui non credunt Dei Evangelio? Et si justus vix salvabitur, impius & peccator ubi parébunt? Itaque & hi, qui patiuntur secundum voluntatem Dei, fidelium Creatori commendent animas suas in benefactis.

Graduale. Psalm. 66. Justus cum ceciderit, non collidetur: quia Dominus supponit manum suam. **Ps.** Tota die miseretur, & commodat: & semen ejus in benedictione erit.

Allelúja, allelúja. Ps. Qui sequitur me, non ambulat in tenebris: sed habebit lumen vitæ æternæ. Allelúja.

Sequentia sancti Evangelii secundum Matthæum. Matth. 16. d

In illo tempore: Dixit Jesus discipulis suis: Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdidit animam suam propter me, inveniet eam. Quid enim prodest homini, si mundum universum lucratur, animæ verò suæ detrimentum patiatur? Aut quam dabit homo commutationem pro anima sua? Filius enim ho-

minis venturus est in glória Patris sui cum Angelis suis: & tunc reddet unicuique secundum opera ejus.

Credo.

Offertorium. Psalm. 20. Posuisti Domine super caput ejus coronam de lapide pretioso: vitam petiit à te, & tribuisti ei. **Secreta.**

Accépta sit in conspectu tuo, Domine, nostra devotio: & ejus nobis fiat supplicatione salutaris, pro cuius solemnitate defertur. Per Dominum nostrum.

Communio. Joan. 12. Qui mihi ministrat, me sequatur: & ubi sum ego, illic & minister meus erit.

Postcommunio.

Refecti participatione muneris sacri, quaesumus Domine Deus noster: ut cuius exequimur cultum, intercedente beato Wenceslao martyre tuo, sentiamus effectum. Per Dominum nostrum.

FFSTA OCTOBRI S.

Die x. Octobris.

I N F E S T O

S. Gereonis & Sociorum Martyrum.

Introitus. Psalm. 33.



Lamaverunt iusti, & Dominus exaudivit eos: & ex omnibus tribulationibus eorum liberavit eum.

Psalm. ibid. Benedicam Dominum in omni tempore: semper laus ejus in ore meo. **Glória Patri.**

Oratio.

DEUS, qui hunc diem martyrum tuorum Gereonis sociorumque ejus passione consecrasti: præsta quaesumus; ut eorum suffragia apud te sentiamus in coelis, quorum hic sollemnia pio amore veneramur in terris. Per Dominum nostrum JESUM Christum Filium tuum.

Lectio libri Apocalypsis beati Joannis Apostoli. Apoc. 7. c

IN diebus illis: Respondit unus de senioribus, & dixit mihi: Hi, qui amicti sunt stolis albis, qui sunt? & unde venerunt? Et dixi illi: Domine mi, tu scis. Et dixit mihi: Hi sunt, qui venerunt de tribulatione magna, & laverunt stolas suas, & dealbaverunt eas in sanguine Agni. Ideo sunt ante thronum DEI, & serviunt ei die ac nocte in templo ejus: & qui sedet in throno, habitabit super illos. Non esurient, neque sitient amplius, nec cadet super illos sol, neque ullus æstus: quoniam Agnus, qui in medio throni est, reget illos, & deducet eos ad vitæ fontes aquarum, & absterget Deus omnem lacrymam ab oculis eorum.

Graduale. Psalm. 78. Vindica Domine sanguinem sanctorum tuorum, qui effusus est. **Allelúja, allelúja.**

Psalm. 67. Iusti epulentur, & exultent in conspectu DEI: & delectentur in lætitia. **Allelúja.**

Sequentia sancti Evangelii secundum Lucam. Lucæ 6. c

IN illo tempore: Descendens Jesus de monte, stetit in loco campèstri, & turba discipulorum ejus, & multitudo copiosa plebis ab omni Judæa, & Jerúsalem, & marítima, & Tyri, & Sydonis, qui venerant ut audirent eum, & sanarentur à languoribus suis. Et qui vexabantur à spiritibus immundis, curabantur. Et omnis turba quærebat eum tangere: quia virtus de illo exibat, & sanabat omnes. Et ipse elevatis oculis in discipulos suos, dicebat: Beati pauperes: quia vestrum est regnum DEI. Beati, qui nunc esuritis: quia saturabimini. Beati, qui nunc fletis: quia ridebitis. Beati eritis cum vos oderint homines, & cum separave-

rint vos, & exprobraverint, & ejecerint nomen vestrum tamquam malum, propter Filium hominis. Gaudete in illa die, & exultate: ecce enim merces vestra; multa est in coelis.

Offertorium. Psalm. 149. Exultabunt sancti in gloria, lætabuntur in cubilibus suis: exaltationes Dei in faucibus eorum, alleluja. **Secreta.**

Munera tibi, Domine, nostræ devotionis offerimus: quæ & pro tuorum tibi grata sint honore justorum, & nobis salutaria, te miserante, reddantur. Per Dominum.

Communio. Psal. 78. Posuerunt mortalia servorum tuorum Domine escas volatilibus cœli: carnes sanctorum tuorum bestiis terræ: secundum magnitudinem brachii tui posside filios morte punitorum.

Postcommunio.

DEUS, qui nos & cœlestibus pascere Sacramentis, & sanctorum Martyrum tuorum Gereonis sociorumque ejus non desinis fovere suffragiis: præsta quæsumus; ut, quod illis ad gloriam contulisti, ad nostræ prosit fragilitatis auxilium. Per Dominum.

Die xv. Octobris.

I N F E S T O

Sancti Hedwigis Viduæ.

Introitus.



Gaudemus omnes in Domino, diem festum celebrantes sub honore beatæ Hedwigis: de cujus solemnitæte gaudent Angeli, & collaudant Filium Dei.

Psal. 44. Eructavit cor meum verbum bonum: dico ego opera mea Regi.

Glória Patri. Oratio.

DEUS gratiæ dator & gloriæ tuæ nobis propitius sensum pietatis aperi, & præsta: ut, qui manentem civitatem hinc non habemus, ad futu-

ram quam quærimus beatæ Hedwigis interveniente suffragio, perducamur. Per Dominum nostrum.

Lectio libri Sapientiæ. Prov. 13.

Mulierem fortem quis inveniet? procul, & de ultimis finibus pretium ejus. Confidit in ea cor viri sui, & spoliis non indigebit. Reddet ei bonum, & non malum, omnibus diebus vitæ suæ. Quæsit lanam & linum, & operata est consilio manuum suarum. Facta est quasi navis institoris, de longè portans panem suum. Et de nocte surrexit, deditque prædam domesticis suis, & cibaria ancillis suis. Consideravit agrum, & emit eum: de fructu manuum suarum plantavit vineam. Accinxit fortitudine lumbos suos, & roboravit brachium suum. Gustavit & vidit quia bona est negotiatio ejus: non extinguetur in nocte lucerna ejus. Manum suam misit ad fortia, & digiti ejus apprehenderunt fustum. Manum suam aperuit inopi, & palmas suas extendit ad pauperem. Non timebit domui suæ à frigöribus nivis: omnes enim domestici ejus vestiti sunt duplicibus. Stragulatam vestem fecit sibi: byssus, & purpura indumentum ejus. Nobilis in portis vir ejus, quando sederit cum senatoribus terræ. Sindonem fecit, & vendidit, & cingulum tradidit Chananæo. Fortitudo & decor indumentum ejus, & ridebit in die novissimo. Os suum aperuit sapientiæ: & lex clementiæ in lingua ejus. Consideravit semitas domus suæ, & panem otiosa non comedit. Surrexerunt filii ejus, & beatissimam prædicaverunt, vir ejus, & laudavit eam. Multæ filiæ congregaverunt divitias: tu supergressa es universas. Fallax gratia, & vana est pulchritudo: mulier timens Dominum, ipsa laudabitur. Date ei de fructu manuum suarum: & laudent eam in portis opera ejus.

Graduale. Psal. 44. Diffusa est gratia in labiis tuis: propterea benedixit te DEUS in ætérnum. *ψ.* Propter veritatem, & mansuetudinem, & iustitiam: & deducet te mirabiliter dextera tua. **Allelúja, allelúja.**

ψ. ibid. Spécie tua, & pulchritudine tua, inténde, prósperè procéde, & regna. **Allelúja.**

Sequéntia sancti Evangélii secúndum Matthæum. Matth. 13. f

In illo témpore: Dixit JESUS discipulis suis parabolam hanc: Simile est regnum coelórum thesauro abscondito in agro, quem qui invenit homo abscondit, & præ gaudio illius vadit, & vendit univérfa, quæ habet, & emit agrum illum. Iterum simile est regnum coelórum hómini negotiátóri quærénti bonas margarítas. Inventa autem una pretiósa margaríta, abiit, & vendidit ómnia, quæ hábuit, & emit eam. Iterum simile est regnum coelórum fagénæ missæ in mare, & ex omni génere píscium congregánti. Quam, cum impléta esset, educéntes, & secus littus sedéntes, elegérunt bonos in vasa, malos autem foras misérunt. Sic erit in consummatione sæculi: exhibunt Angeli, & separábunt malos de médio iustórum, & mittent eos in camínium ignis: ibi erit fletus, & stridor déntium. Intellexístis hæc ómnia? Dicunt ei: Etiam. Ait illis: Ideò omnis scriba doctus in regno coelórum, similis est hómini patrifamílias, qui profert de thesauro suo nova & vétera. **Credo.**

Offertorium. Psalm. 44. Fíliæ regum in honóre tuo, ástitit regína à dextris tuis in vestitu deauráto, circúmdata varietáte. **Secreta.**

Accépta tibi sit, Dómine, sacrátæ plebis oblátio, pro tuórum honóre Sanctórum: quorum se méritis de tribulatione percepisse cognóscit auxílium. Per Dóminum.

Communio. ibid. Diffusa est gratia in labiis tuis, propterea benedixit te DEUS in ætérnum.

Postcommunio.


Sumpta, quæsumus omnipotens DEUS, hóstia salutáris ab advérsis nos ómnibus tueátur incúrribus: & post hujus labóres exílii, beátæ Hedwigis interveniéntibus méritis, ducat ad réquiem opuléntam. Per Dóminum nostrum.

Die xx. Octobris.

I N F E S T O

Translationis S. Adalberti Episcopi & Martyris.

Introitus. Eccli. 45.



Tátuit ei Dóminus testaméntum pacis, & príncipem fecit eum: ut sit illi sacerdotii dignitas in ætérnum.

Psal. 131. Meménto Dómine David, & omnis mansuetúdinis ejus.

ψ. Glória Patri. **Oratio.**

Tuam nobis indulgéntiam, quæsumus Dómine, beátus Adalbértus Episcopus & Martyr implóret: ut & delícta nobis cleménter ignóscas, & beneficia desideráta concédas. Per Dóminum nostrum.

Léctio Epístolæ beati Pauli Apóstoli ad Corinthios. 2. Cor. 1.

Fratres, Benedíctus DEUS & Pater Dómini nostri JESU Christi, Pater misericordiárum, & DEUS totius consolatiónis, qui consolátur nos in omni tribulatione nostra: ut possimus & ipsi consolári eos, qui in omni pressúra sunt, per exhortatióem, qua exhortámur & ipsi à DEO. Quóniam sicut abundánt passióes Christi in nobis: ita & per Christum abundat consolatio nostra. Sive autem tribulámur pro vestra exhortatióne & salúte, sive consolámur pro vestra consolatióne, sive exhortámur pro vestra exhorta-

tióne & salúte, quæ operátur tolerántiam earúndem passiónum, quas & nos pátimur: ut spes nostra firma sit pro vobis: sciéntes, quòd, sicut sócii passiónum estis, sic éritis & consolatiónis: in Christo Jesu Dómino nostro.

Graduale. Psalm. 88. Inveni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum. *Ps.* Nihil proficiet inimicus in eo, & filius iniquitátis non nocébit ei. *Allelúja, allelúja.*

Psalm. 109. Tu es Sacerdos in ætérnum, secúndum órđinem Melchisedech. *Allelúja.*

Sequéntia sancti Evangélíi secúndum Lucam. Lucæ 24.

IN illo tempore: Dixit JESUS turbis: Si quis venit ad me, & non odit patrem suum, & matrem, & uxórem, & filios, & fratres, & soróres, adhuc autem & ánimam suam, non potest meus esse discipulus. Et qui non bájulat crucem suam, & venit post me, non potest meus esse discipulus. Quis enim ex vobis volens turrim ædificáre, non prius sedens cóputat sumptus, qui necessárii sunt, si hábeat ad perficiéndum: ne, posteaquam posúerit fundaméntum, & non potúerit perficere, omnes qui vident, incípíant illúdere ei, dicéntes: Quia hic homo coepit ædificáre, & non pótuit consummáre? Aut quis rex itúrus committere bellum advérsus álium regem, non sedens prius cógitat, si possit cum decem míllibus occurrere ei, qui cum viginti míllibus venit ad se? alióquin, adhuc illo longè agente, legatiónem mittens, rogat ea quæ pacis sunt. Sic ergo omnis ex vobis, qui non renúnciat ómnibus quæ póstidet, non potest meus esse discipulus. **Credo.**

Offertorium. Psalm. 20. Posuisti Dómine in cápíte ejus corónam de lá-

pide pretiósó: vitam pétíit à te, & tribuísti ei. *Allelúja.*

Secreta.

SAcrificium exhibítum, quæsumus Dómine, benígnus asúme: ut, quod nómini tuo in solemnitáte (vel commemoratióne) beáti Adalbérti Mártýris tui atque Pontíficis deférimus, nobis profit ad véniam. Per Dóminum nostrum.

Communio. Psal. 88. Semel jurávi in sancto meo: semen ejus in ætérnum manébit: & sedes ejus sicut sol in conspéctu meo, & sicut luna perfécta in ætérnum: & testis in coelo fidelis.

Postcommunio.

Refécti Dómine munéribus sacris, súpplíces te deprecámur; ut indulgéntiam tuam nobis intercessió beáti Adalbérti Mártýris tui atque Pontíficis semper implóret. Per Dóminum nostrum.

Die xxi. Octobris.

I N F E S T O

Sanctæ Ursulæ & Sociarum.

Introitus.



Audeámus omnes in Dómino, diem festum celebrántes sub honóre undecim míllium Vírginum: de quarum passióne gaudent Angeli, & colláudant Fílium DEI. **Psal. 32.** Exultáte justí in Dómino: rectos decet collaudátio.

Ps. Glória Patri.

Oratio.

DA nobis, quæsumus Dómine DEUS noster, sanctárum Vírginum & Mártýrum tuárum Ursulæ & sociárum ejus palmas, incessabili devotióne venerári: ut quas digna mente non póssumus celebráre, humílibus saltem frequentémus obséquíis. Per Dóminum nostrum JESUM Christum Fílium tuum,

**Pro commemoratione sancti Hilari-
onis Abbatis. Oratio.**

Intercéssio nos, quæsumus Dómine,
beáti Hilariónis Abbátis commén-
det: ut, quod nostris méritis non va-
lémus, ejus patrocínio assequámur.
Per Dóminum nostrum JESUM Chri-
stum Fílium tuum.

Lectio Epístolæ beáti Pauli Apóstoli
ad Corínthios. **1. Cor. 7. c**

Fratres, De virginibus præceptum
Dómini non hábeo: consílium
autem do, tamquam misericórdiam
consecútus à Dómino, ut sim fidélis.
Exístimo ergo hoc bonum esse pro-
pter instántem necessitátem, quóniam
bonum est hómini sic esse. Alligátus
es uxóri? noli quærere solutióem.
Solútus es ab uxóre? noli quærere
uxórem. Si autem accéperis uxórem,
non peccásti. Et si núpserit virgo, non
peccávit. Tribulatióem tamen car-
nis habébunt hujúsmodi. Ego autem
vobis parco. Hoc itaque dico, fratres:
Tempus breve est: réliquum est, ut
& qui habent uxóres, tamquam non
habéntes sint: & qui flent, tamquam
non flentes: & qui gaudent, tam-
quam non gaudentes: & qui emunt,
tamquam non possidentes: & qui
utúntur hoc mundo, tamquam non
utántur: præterit enim figúra hujus
mundi. Volo autem vos sinè sollicitú-
dine esse. Qui sinè uxóre est, solícitus
est, quæ Dómini sunt, quómodo plá-
ceat DEO. Qui autem cum uxóre est,
solícitus est, quæ sunt mundi, quómo-
do pláceat uxóri, & divísus est. Et
múlier innúpta, & virgo, cógitat quæ
Dómini sunt; ut sit sancta corpore &
spíritu: in Christo JESU Dómino no-
stro.

Graduale. Psal. 149. Exultábunt
sancti in glória: lætabúntur in cubili-
bus suis. **Ps.** Cantáte Dómino canti-
cum novum: laus ejus in Ecclesiá san-
ctorum. **A**llelúja, allelúja.

Psal. 44. Adducéntur Regi virgines
post eam: próximæ ejus afferéntur ti-
bi in lætítia. Allelúja.

Sequéntia sancti Evangélii secúndum
Matthæum. **Matth. 65.**

In illo témpore: Dixit JESUS discipu-
lis suis parábolam hanc: Símile
erit regnum coelórum decem virgini-
bus: quæ accipiéntes lámpades suas,
exiérunt obviam sponso, & sponsæ.
Quinque autem ex eis erant fátuæ, &
quinque prudéntes: sed quinque fá-
tuæ accéptis lampádibus, non sum-
pserunt óleum secum: prudéntes ve-
rò accepérunt óleum in vasis suis cum
lampádibus. Moram autem faciente
sponso, dormitavérunt omnes, & dor-
miérunt. Média autem nocte clamor
factus est: Ecce sponsus venit, exíte
obviam ei. Tunc surrexérunt omnes
virgines illæ, & ornavérunt lámpades
suas. Fátuæ autem sapiéntibus dixé-
runt: Datenobis de óleo vestro: quia
lámpades nostræ extingúntur. Re-
spondérunt prudéntes, dicéntes: Ne
fortè non sufficiat nobis, & vobis, ite
pótius ad vendéntes, & émite vobis.
Dum autem irent émere, venit spon-
sus: & quæ parátæ erant, intravérunt
cum eo ad nuptias, & clausa est jánu-
a. Novíssimè verò véniunt, & reliquæ
virgines, dicéntes: Dómine, Dómine,
áperi nobis. At ille respóndens, ait:
Amen dico vobis, nescio vos. Vigi-
late itaque, quia nescitis diem, neque
horam. **Credo.**

Offertorium. Psalm. 44. Afferén-
tur Regi virgines post eam: próximæ
ejus afferéntur tibi.

Secrera.

Inténde, quæsumus, Dómine, mune-
ra, altáribus tuis pro sanctárum vir-
ginum & mártýrum tuárum Ursulae,
& sociarum ejus festivitáte propósita:
ut sicut per hæc beáta mystéria illis
glóriam contulísti, ita nobis indulgén-
tiam largiáris. Per Dóminum.

Pro commemoratione sancti Hilarionis.
Secreta.

Sacris altaribus, Domine, hostias superpositas sanctus Hilarion Abbas, quaesumus, in salutem nobis provenire deposcat. Per Dominum.

Communio. Matth. 25. Quinque prudentes virgines acceperunt oleum in vasis suis cum lampadibus: media autem nocte clamor factus est, Ecce sponsus venit, exite obviam Christo Domino.

Postcommunio.

Praesta nobis, quaesumus Domine, intercedentibus sanctis virginibus & martyribus tuis, ut, quod ore contingimus, pura mente capiamus. Per Dominum nostrum.

Pro commemoratione sancti Hilarionis
Abbatis. Postcommunio.

Protegat nos, Domine, cum tui perceptione sacramenti beatus Hilarion Abbas, pro nobis intercedendo: ut & conversationis ejus experiamur insignia, & intercessionis percipiamus suffragia. Per Dominum.

FESTA NOVEMBRIS

Die xii. Novembris.

IN FESTO

SS. Martyrum quinque Fratrum
Polonorum.

Introitus. Psal. 33.



Multae tribulationes justorum, & de his omnibus liberavit eos Dominus: Dominus custodit omnia ossa eorum: unum ex his non conteretur.

Psal. ibid. Benedicam Dominum in omni tempore: semper laus ejus in ore meo. **Y.** Gloria Patri.

Oratio.

Sanctorum nos, quaesumus Domine, martyrum tuorum. Benedicti

Joannis, Matthaei, Isaaci, atque Christi gloriola hodierna die trophaea laetificent: quatenus eorum interventione, ad illam perveniamus hereditatem, in qua iidem felices Angelorum coetibus aggregati, tuae semper maiestatis perfuuntur ineffabili claritate. Per Dominum nostrum.

Lectio libri Sapientiae. Eccl. 44.

Hi viri misericordiae sunt, quorum pietates non defuerunt: cum semine eorum permanent bona, hereditas sancta nepotes eorum, & in testamentis stetit semen eorum: & filii eorum propter illos in aeternum manent: semen eorum, & gloria eorum non derelinquetur. Corpora ipsorum in pace sepulta sunt, & nomen eorum vivit in generationem & generationem. Sapientiam ipsorum narrent populi & laudem eorum nuntiet omnis Ecclesia.

Graduale. Psal. 132. Ecce quam bonum & quam jucundum, habitare fratres in unum. **Y.** Sicut unguentum in capite, quod descendit in barbam, Aaron. **Alleluja, alleluja.** **Y.** Haec est vera fraternitas, quae vicit mundi crimina: Christum secuta est, inclyta tenens regna coelestia. **Alleluja.**

Sequentia sancti Evangelii secundum Lucam. Lucae 12.

In illo tempore: Dixit Jesus discipulis suis: Attendite a fermento Phariseorum, quod est hypocrisis. Nihil autem operatum est, quod non reveletur: neque absconditum, quod non sciatur. Quoniam quae in tenebris dixistis, in lumine dicentur: & quod in aurem locuti estis in cubiculis, praedicabitur in tectis. Dico autem vobis amicis meis: Ne terreamini ab his qui occidunt corpus, & post haec non habent amplius quid faciant. Ostendam autem vobis, quem timeatis: time-te eum, qui postquam occiderit, habet potestatem mittere in gehennam. Ita

dico vobis, hunc timete. Nonne quinque pasceres vaneunt dipondio, & unus ex illis non est in oblivione coram DEO? sed & capilli capitis vestri omnes numerari sunt. Nolite ergo timere: multis passeribus pluris estis vos. Dico autem vobis: Omnis quicumque confessus fuerit me coram hominibus, & Filius hominis confitebitur illum coram Angelis DEI.

Credo.

Offertorium. Psal. 5. Gloriabuntur in te omnes qui diligunt nomen tuum, quoniam tu Domine benedices justo: Domine, ut scuto bonæ voluntatis tuæ coronasti nos.

Secreta.

Hostias tibi Domine sanctorum martyrum tuorum dicatas meritis benignus assume: & ad perpetuum nobis tribue provenire subsidium. Per Dominum.

Communio. Sap. 5. Et si coram hominibus tormenta passi sunt, DEUS tentavit eos: & tamquam aurem in fornace probavit eos, & quasi holocausta accepit eos.

Postcommunio.

Sumpsimus Domine sanctorum martyrum tuorum, Benedicti, Joannis, Matthæi, Isaaci, atque Christi soli sollemnia celebrantes, Sacramenta coelestia: præsta quæsumus, ut, quod temporaliter gerimus, æternis gaudiis consequamur. Per Dominum nostrum JESUM Christum Filium tuum.

Die xix. Novembris.

I N F E S T O

S. Elisabeth Viduæ. Introitus.



Gaudemus omnes in Domino, diem festum celebrantes sub honore beatæ Elisabeth: de cujus sollemnitate gaudent Angeli, & collaudant Filium DEI

Psal. 44. Eructavit cor meum verbum bonum: dico ego opera mea Regi. **Y.** Glória Patri.

Oratio.

Tuorum corda fidelium DEUS miserator illustra: & beatæ Elisabeth precibus gloriosis fac nos prospera mundi despiciere & coelesti semper consolatione gaudere. Per Dominum nostrum JESUM Christum Filium tuum.

Lectio libri Sapientiae. Prov. 13. b

Mulierem fortem quis inveniet? procul, & de ultimis finibus pretium ejus. Confidit in ea cor viri sui, & spoliis non indigebit. Reddet ei bonum, & non malum, omnibus diebus vitæ suæ. Quæsit lanam & linum, & operata est consilio manuum suarum. Facta est quasi navis institoris, de longè portans panem suum. Et de nocte surrexit, deditque prædam domesticis suis, & cibaria ancillis suis. Consideravit agrum, & emit eum: de fructu manuum suarum plantavit vineam. Accinxit fortitudine lumbos suos, & roboravit brachium suum. Gustavit & vidit quia bona est negotiatio ejus: non extinguetur in nocte lucerna ejus. Manum suam misit ad fortia, & digiti ejus apprehenderunt furtum. Manum suam aperuit inopi, & palmas suas extendit ad pauperem. Non timebit domui suæ à frigoribus nivis: omnes enim domestici ejus vestiti sunt duplicibus. Stragulatam vestem fecit sibi: byssus, & purpura indumentum ejus. Nobilis in portis vir ejus, quando sederit cum senatoribus terræ. Sindonem fecit, & vendidit, & cingulum tradidit Chanaanæo. Fortitudo & decor indumentum ejus, & ridebit in die novissimo. Os suum aperuit sapientiæ: & lex clementiæ in lingua ejus. Consideravit semitas domus suæ, et panem otiosa non comedit. Surrexerunt filii ejus, & beatissi-

mam prædicaverunt, vir ejus, & laudavit eam. Multæ filiæ congregaverunt divitias: tu supergræssa es universas. Fallax grátia, & vana est pulchritudo: mulier timens Dóminum, ipsa laudabitur. Date ei de fructu manuum suarum: & laudent eam in portis ópera ejus.

Graduale. Psal. 44. Diffúsa est grátia in lábiis tuis: propterea benedixit te DEUS in ætérnum. **Ps.** Propter veritatem, & mansuetudinem, & justitiam: & deducet te mirabiliter dextera tua. **Allelúja, allelúja.**

Ps. ibid. Spécie tua, & pulchritudine tua, inténde, prospère procéde, & regna. **Allelúja.**

Sequéntia sancti Evangélii secúndum Matthæum. **Matth. 13. f**

In illo témpore: Dixit Jesus discipulis suis parabolam hanc: Simile est regnum coelórum thesauro abscondito in agro, quem qui invenit homo abscondit, & præ gaudio illius vadit, & vendit universa, quæ habet, & emit agrum illum. Iterum simile est regnum coelórum hómini negotiátóri quærénti bonas margarítas. Inventa autem una pretiósa margaríta, abiit, & vendidit ómnia, quæ hábuit, & emit eam. Iterum simile est regnum coelórum sagénæ missæ in mare, & ex omni genere píscium congregánti. Quam, cum impléta esset, educéntes, & secus littus sedéntes, elegérunt bonos in vasa, malos autem foras misérunt.

Sic erit in consummatione sæculi: exhibunt Angeli, & separabunt malos de médio justórum, & mittent eos in caminum ignis: ibi erit fletus, & stridor dentium. Intellexistis hæc ómnia? Dicunt ei: Etiam. Ait illis: Ideò omnis scriba doctus in regno coelórum, similis est hómini patrifamiliæ, qui profert de thesauro suo nova & vétera. **Credo.**

Offertorium. Psalm. 44. Filiæ regum in honóre tuo, ástitit regína à dextris tuis in vestitu deaurato, circumdata varietate.

Secreta.

Accepta tibi sit, Dómine, sacratæ plebis oblátio, pro tuórum honóre Sanctórum: quorum se méritis de tribulatione percepisse cognóscit auxilium. Per Dóminum nostrum JESUM Christum Fílium tuum: Qui tecum vivit & regnat in unitate Spíritus sancti DEUS.

Communio. Ps. ibid. Diffúsa est grátia in lábiis tuis, propterea benedixit te DEUS in ætérnum.

Postcommunio.

Satiásti Dómine famíliam tuam munéribus sacris: ejus quæsumus semper interventióne nos réfove, cujus solémnia celebrámus. Per Dóminum nostrum JESUM Christum Fílium tuum: Qui tecum vivit & regnat in unitate Spíritus sancti DEUS.



AUGUSTÆ VINDELICORUM ET GRÆCII,
SUMPTIBUS PHILIPPI, MARTINI, & JOANNIS VEITH, FRATRUM.

M.DCCXXVII.



K A L E N D A R I U M
P A T R O N O R U M
 E T
F E S T O R U M
 R E G N I P O L O N I Æ.

Dies M. F E S T A D E C E M B R I S.

4 **S.** Barbaræ Virginis & Martyris. Duplex. fol. 1.

F E S T A F E B R U A R I I.

1 S. Brigidæ Virginis. Duplex. in Ecclesia Plocensi. fol. 2.

6 S. Dorotheæ Virginis & Martyris. Duplex. fol. 3.

7 S. Romualdi Abbatis. Duplex. fol. 3.

F E S T A M A R T I I.

4 S. Casimiri Confessoris. Duplex. cum commemoratione S. Lucii Papæ & Martyris. fol. 3.

5 Translationis S. Wenceslai Mart. Duplex. in Ecclesia Cathedrali Cracoviensi. fol. 4.

10 SS. Cyrilli & Methodii Confess. Pontificum. Semiduplex. in Ecclesia Cathedrali Præmishensi. fol. 5.

F E S T A A P R I L I S.

23 S. Adalberti Episcopi & Martyris. Duplex. fol. 6.

F E S T A M A I I.

2 S. Sigismundi Regis & Martyris, in Plocensi Ecclesia. Duplex. fol. 7.

4 S. Floriani Militis & Martyris. Duplex. cum commemoratione S. Monicæ Viduæ. fol. 8.

8 S. Stanislai Episcopi & Martyris. Duplex. fol. 9.

F E S T A J U N I I.

3 S. Erasmi Episcopi & Martyris, in Ecclesia Plocensi. Duplex. fol. 10.

F E S T A J U L I I.

13 S. Margaritæ Virginis & Martyris. Duplex. fol. 11.

15 Divisionis SS. Apostolorum. Duplex. fol. 11.

24 S. Christinæ Virginis & Martyris, in Ecclesia Plocensi. Duplex. cum commemoratione Vigiliæ S. Jacobi. nisi sit Patrona, aut Titulus Ecclesiæ. fol. 16.

F E S T A A U G U S T I.

16 S. Hyacinthi Confessoris. Duplex. cum commemoratione Assumptionis B. Mariæ, & Octavæ S. Laurentii. fol. 12.

19 S. Benignæ Virginis & Martyris, in Dioecesi Vladislaviensi. Duplex. cum commemoratione Octavæ Assumptionis B. Mariæ. fol. 14.

29 S. Sabinæ Martyris, in Ecclesia Cathedrali Fosumienfi. Duplex. fol.

F E S T A



F E S T A S E P T E M B R I S.

- 10 S. Dalmatii Martyris, in Dioecesi Vladislaviensi. Duplex. cum commemoratione Octavæ Nativitatis B. Mariæ. fol. 15.
24 S. Tyrſi Martyris, in Dioecesi Vladislaviensi. Duplex. fol. 15.
27 Translationis S. Stanislai Episcopi & Martyris. Duplex. fol. 16.
28 S. Wenceslai Martyris. Duplex. fol. 17.

F E S T A O C T O B R I S.


- 10 SS. Gereonis & Sociorum Martyrum, in Dioecesi Gneznensi. Duplex. fol. 18.
15 S. Hedwigis Viduæ. Duplex. fol. 19.
20 Translationis S. Adalberti Episcopi & Martyris. Duplex. fol. 20.
21 S. Ursulæ & Sociarum Martyrum. Duplex. cum commemoratione S. Hilarionis Abbatis. fol. 21.

F E S T A N O V E M B R I S.

- 12 SS. Martyrum quinque Fratrum Polonorum. Duplex. fol. 23.
19 S. Elifabeth Viduæ. Duplex. cum commemoratione S. Pontiani Papæ & Martyris. fol. 24.

F I N I S.






X. III. 37



79975 Bibliotheca 2100
P. Camaldulensium in Bielany

Depozyt w Bibliotece Jagiellońskiej



10319

